

## Faaararaa

---

Tai'o mahana : 20 no me 2014

TE EKALESIA A  
**IESU MESIA**  
I TE FEIA MO'A  
I TE MAU MAHANA  
HOPEA NEI

Na: Te mau hui mana faatere rahi e te feia  
faatere i muri nei i rapae au i te Mau Hau  
Amui no Marite e Canada : Te mau Hitu  
Ahuru Area ; te mau peresideni tītī, misioni  
e mataeinaa ; te mau episekopo e te mau peresideni amaa

No ô mai i te : Tuhaa faatere Aamu utuafare e te Tuhaa faatere a te tuhaa moni  
no te haapiiraa tamau

Tumu parau : Vahiraa i te mau materia a te Pû Aamu Utuafare e te Tuhaa  
faatere a te Faarava'iraa ia'na iho a te tītī

---

No te pahono i te hinaaro u'ana o te mau melo ia farii i te mau faanahoraa  
apî e te mau mauhaa e tuati i te aamu utuafare e te faarava'iraa ia'na iho,  
e vahihia te mau materia e te vahi i roto i te tahi mau pû aamu utuafare  
e te Tuhaa faatere no te tuhaa moni no te haapiiraa tamau. Na roto i te  
faatiti'aifaro-maitai-raa i ta ratou tarena, e tauturu te mau pû aamu utuafare  
e te mau pû tuhaa moni no te haapiiraa tamau faarava'iraa ia'na iho (1) i te  
mau melo e ia vetahi ê ia ite mai i to ratou mau utuafare e ia tauturu i te mau  
melo ia horo'a i te mau i'oa o to ratou utuafare no te mau oro'a hiero e (2) ia  
tauturu i te mau melo ia farii i te mau rave'a no te haapiiraa, te iteraa mai i te  
hoê ohipa, e aore râ ia riro ei rave ohipa na'na iho.

E ti'a i te peresideniraa tītī ia faatiti'aifaro i te faaohiparaa i teie mau pû  
ia au i te mau arata'iraa i raro nei. No te tahi atu mau haamaramaramaraa, a  
farerei atu i te faatere aamu utuafare e aore râ faarava'iraa ia'na iho o te fenua.



# Vahiraa i te mau materia a te Pû Aamu Utuafare e te Tuhaa faatere a te Faarava'iraa ia'na iho a te tîti

1 no me 2014

TE EKALESIA A  
**IESU MESIA**  
I TE FEIA MO'A  
I TE MAU MAHANA  
HOPEA NEI

---

Ua tuuhia te mau arata'iraa i muri nei no te mau faatureraa tei haamau-a'ena-hia no te mau pû aamu utuafare.

1. **Fâ :** Ia ohipa amui te tuhaa faatere aamu utuafare e te faarava'iraa ia'na iho i roto i te autaea'eraa no te faaoti i ta raua iho fâ.
2. **Hopoi'a :** O te ti'a faatere o te pû aamu utuafare, i raro a'e i te arata'iraa a te autahu'araa, te tiaau hoê roa no te faanahoraa o te pû e te mau materia, ia au i te faatureraa o te Tuhaa Faatere o te Aamu Utuafare. Ia rave amui te ti'a faatere e te taata aravihi o te tîti no te faarava'iraa ia'na iho e ua faaoti papû-maitai-hia te mau hinaaro o te faarava'iraa ia'na iho.
3. **Tarena :** I roto i te apooraan e te feia faatere o te autahu'araa, e faaoti amui te ti'a faatere o te pû aamu utuafare e te taata aravihi o te tîti no te faarava'iraa ia'na iho i te tarena o te pû. Mai te peu e nehenehe, ia faataahia te mau hora faaohiparaa no na faanahoraa taa ê, ia tamau noa râ te faaohieraa o te mau melo ia farii i te faanahoraa apî no te mau opuaraa o te aamu utuafare e te faarava'iraa ia'na iho.
4. **Tihepurea mai :** Ia papû i te melo no te apooraan teitei tei faataahia no te aamu utuafare e te tomite faarava'iraa ia'na iho o te tîti e ua rava'i maitai te mau taata rave ohipa no na faanahoraa e piti i te pû. Ia faaoti amui te ti'a faatere o te pû aamu utuafare e te taata aravihi o te tîti no te faarava'iraa ia'na iho i te tarena e te haapiipiiraa i te mau taata rave ohipa. I roto i te tahi huru, e titauhia i te mau taata rave ohipa ia faataahia e ia haapiipiihia no te pahono i te mau hinaaro no na faanahoraa e piti i te pû.
5. **Vahiraa i te mau materia e te tauihaa :** Eita te tuhaa faatere no te faarava'iraa ia'na iho e tauuii i te mau faanahoraa a te aamu utuafare, e vahihia râ te vahi tei reira te pû aamu utuafare, te mau tauihaa i roto e te mau materia. Mai te peu e hinaarohia, e nehenehe e haamau te mau materia apî e te mau tauihaa e titauhia ma te faaohipa i te arata'iraa a te pû aamu utuafare. E faaohipa te mau pû i te mau roro uira tei faataahia e te tahi atu mau tauihaa tei horo'ahia mai e te Tuhaa faatere o te Aamu Utuafare, ma te turuhia mai e te faaatereraa no te materia e te taata aravihi o te tîti. E faaohipa atoa te mau pû i te mau puna e te tahi atu mau tao'a tei faati'ahia e te mau Tuhaa faatere o te Aamu Utuafare e te Tuhaa moni no te haapiipiiraa tamau. E ti'a i te mau roro uira e te Itenati i roto i te mau pû ia pee i te mau faatureraa i roto i te *Manuel 1 : Presidents de Pieu et Evêques* (2010), 17.1.12 e *Manuel 2 : Administration de l'Eglise* (2010), 21.1.22. E hopoi'a na te pû aamu utuafare e te tuhaa faatere no te faarava'iraa ia'na iho ia atuatu maitai i te mau materia e te mau tauihaa.

6. **Taa-ê-raa (hoho'a o te mau Pû no te Faarava'iraa ia'na iho)** : Vetahi mau pû aamu utuafare tei vahihia te vahi e te « hoho'a o te mau pû no te faarava'iraa ia'na iho » tei vai matara noa e 40 hora e aore râ hau atu i te hepetoma. E nehenehe i teie mau pû e titau ia faarahi atu â te mau materia, te mau taata rave ohipa e te mau tauihaa no te mau fâ o te faarava'iraa ia'na iho. Teie mau rahira tauihaa, tei horo'ahia mai e te Tuhaa faatere no te tuhaa moni no te haapiiraa tamau, na te Tuhaa faatere o te ICS i roto i te mau piha toro'a a te Ekalesia e haapa'o e e faatere. E hinaaro teie mau pû i te faatiti'aifaroraa tamau e e titau atoa i te tahi mau tauiuiraa no te mau hopoi'a e te mau ohiparaa.